

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

### GAZTERIAREN FORU ERAKUNDEA

**2021/2022 ikasturtean unibertsitate ikasketak egin eta bizi diren udalerritik beste udalerrira batera joan behar duten ikasle gazteentzat dirulaguntzak emateko deialdia**

Foru Gobernu Kontseiluaren abenduaren 57/2021 Foru Dekretuaren bidez, Gazteriaren Foru Erakundeak norgehiagoka bidez ematen dituen dirulaguntzen oinarri arautzaile orokorrak onetsi ziren.

2021/2022 ikasturtean unibertsitate ikasketak egin dituzten eta bizi diren udalerritik beste udalerrira batera joan behar duten ikasle gazteentzako deialdi hau, Gazteriaren Foru Erakundearen Administrazio Kontseiluak 2022ko apirilaren 25eko bileran onartutakoa, aipatutako oinarri arautzaile orokorrean eta ondoko ataletan ezarritakoari lotuko zaie.

#### 1. Deialdiaren helburua

Laguntza hauen helburua da ahalbidetzea ikasle arabarrek prestakuntza arautua eduki ahal dutela unibertsitate ikasketak egiteko bizi diren udalerritik zentro publiko edo pribatuak dauden udalerrira joan behar badute.

#### 2. Onuradunen betekizunak

Oro har, hauexek izan daitezke onuradunak, eskaera egin ondoren:

1. 30 urteko (eskaera egiten den urtean beteta) edo gutxiagoko ikasleak.
2. 2021eko abenduaren 31n Arabako Lurralde Historikoan edo Trebiñuko enklabean erroldatuta daudenak.
3. 2021/2022 ikasturtean hurrengo artikuluan jasotzen diren ikasketaren batean matrikulatuak.
4. Eskatzailearen ohiko bizitokia eta ikastetxea udalerrira ezberdinetan egon behar dira, haien arteko gehieneko distantzia 150 km izanez.

Ez dira laguntza hauen onuradun izango Eusko Jaurlaritzak ikasturte bakoitzerako ematen dituen joan-etorrietarako eta/edo bizilekuagatik laguntzak jaso dituzten pertsonak, beka-mota edo -modalitatea edozein dela ere.

#### 3. Ikasketak eta ikastaldia

Laguntza deialdi hau ikasketa hauetara dago mugatuta:

Unibertsitate ikasketak:

- Unibertsitate graduiko ikasketak, karrera amaierako proiektuak barne.
- Musika eta dantzako goi mailako irakaskuntzak, arte dramatikokoak, arte plastiko eta diseinukoak.

Kanpoan uzten dira ikasketa modalitate hauek: edozein motatako masterrak, doktoregoak, gai jakin batzuetako unibertsitate adituak, beste prestakuntza batzuetarako edo alderdi batzuetarako prestakuntza ikastaroak (oposizioak eta antzekoak), ikerketak, graduondoak eta espezializazioak, urrutiko irakaskuntzak eta, oro har, homologatu gabeko edo ofizialki onartu gabeko ikasketak eta ikastaroak.

Diruz lagundutako ikastaldiak ikasturte bakoitzeko irailetik ekainera bitarteko denbora tartea hartuko du.

#### 4. Dirulaguntzaren zenbatekoa

Bigarren oinarrian sartutako onuradunentzako laguntzen gehieneko zenbatekoa zenbateko finkoa izango da, bizilekuko udalerritik ikasleen ikastetxea dagoen udalerrira dagoen distantziaren arabera definitua.

a) 40 km edo gutxiagoko distantzia	200,00 euro
b) 40 km eta 80 km bitarteko distantzia	280,00 euro
c) 80 km eta 150 km bitarteko distantzia	400,00 euro

Distantziak zehazteko <http://maps.google.es> web orria erabiliko da eta ibilbiderik laburrena aztertuko da.

Partidaren zenbatekoa zenbateko horiek finantzatzeko nahikoa ez balitz, laguntzak hainbatu egingo dira saldo horren goi-muga jo arte.

#### 5. Eskaerak aurkezteko epea eta modua

1. Eskabideak ekainaren 13tik 30ra aurkeztuko dira.

2. Eskatzaileak laguntzaren onuraduna izan behar du. Onuraduna ez den beste pertsona batek eskaera bat aurkezten badu, eskabidea baliogabetu egingo da.

3. Eskaerak bitarteko elektronikoen bidez aurkeztuko dira Arabako Foru Aldundiaren egoitza elektronikoa <https://e-s.araba.eus>; horretarako, eskatzaileek sartzeko ziurtagiri digitala izan beharko dute aldezturik (Bakq). Egoitza elektronikora sartzeko bideak zeintzuk diren eta entitate ziurtatzaile batek jaulkitako ziurtagiri elektronikoa non eskatu behar den jakiteko, jo EZAGUTU EGOITZA – ‘Nola sartu’ izeneko atalera.

4. Erakunde eskatzaileak Arabako Foru Aldundiaren egoitza elektronikoa dagoen inprimakian eskatzen den informazioa beteko du, dokumentazio honekin batera:

a) Ikaslea Arabako Lurralde Historikoan edo Trebiñuko enklabearen 2021eko abenduaren 31n erroldatuta dagoeneko egiaztagiria.

b) Hirugarren oinarrian jasotzen diren ikasketetan ikasturtean zehar matrikulatuta dagoeneko agiria.

c) Banku erakundearen kartilaren fotokopia edo kontuaren frogagiria, eskatzailea titularra denekoa.

5. Salbuespen gisa, eskatzailea ezin bada Arabako Foru Aldundiaren Egoitza Elektronikoa sartu, pertsonalki edo behar bezala egiaztatutako ordezkari baten bidez aurkeztu ahal izango ditu eskaera eta dokumentazioa, Gazteriaren Foru Erakundeak Gasteizko Jesusen Zerbitzarien kaleko 5. zenbakian dituen bulegoetan, 12:00etatik 14:00etara. Kasu horretan, NANaren kopia konpultsatua ere aurkeztu behar da.

6. Eskaera horietan berariaz adierazi beharko da jakinarazpenetarako helbidea, eta eskaerak idatziz eta modu formalean jaso beharko du deialdi honek xedatutakoa onartzen dela.

7. Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio hamar egun baliogabetu epean falta diren datuak eta agiriak aurkezteko. Era berean, jakinaraziko zaio adierazitako epean agiri edo datu horiek aurkeztu ezean, eskaerari uko egin diola ulertuko dela, eta, beraz, eskaera artxibatu egingo dela.

8. Ikasle bakoitzeko eskabide bat bakarrik aurkeztu ahal izango da.

## 6. Aurrekontu erabilgarritasuna

Programa honi esleitutako zenbatekoa berrehun eta berrogeita mila (255.000,00) eurokoa da, 2022ko aurrekontuaren 71100. G/232750/48000750 partidaren kontura.

Zenbateko gehigarria erantsi ahaliko zaio deialdiari, betiere hogeit mila euro baino gutxiago, baldin eta aurrekontu kreditua badago. Gehieneko zenbatekoa handitzeko ebazpena ALHAOn argitaratuko da; hala ere, argitaratzeak ez du esan nahi epea zabaltzen denik eskaera berriak aurkezteko ezta epe berri bat ere ebazpena emateko.

## 7. Ebazpen proposamenari buruzko txostena

Balorazio Batzordeak aztertuko ditu eskaerak. Batzorde hori ondokoek eratuko dute:

- Idazkaritza Teknikoko burua edo hark eskuordetutako pertsona.
- Zerbitzu Orokorretako teknikaria edo hark eskuordetutako pertsona.
- Gazteriako teknikaria edo hark eskuordetutako pertsona.

Batzorde honek dirulaguntza emateko proposamen txostena egingo du eta Gazteriaren Foru Erakundearen gastuak baimendu, xedatu eta agintzeko eskumena duen organoak, Gazteriaren Foru Erakunde Autonomoaren Egiturari eta Funtzionamenduari buruzko Arautegia aldatzen duen ekainaren 8ko Diputatuaren Kontseiluaren 26/2010 Foru Dekretuaren 16. artikuluan ezarritakoa betez, eskaera onartzeko edo ukatzeko ebazpena emango du bost hilabeteko gehienezko epean, eskaerak aurkezteko epea bukatu ondorengo egunetik kontatzen hasita.

Dirulaguntza eman ala ukatu den jakinaraziko zaie erakunde eskatzaileei eskaeran adierazitako helbidean, Administrazio Publikoen Administrazio Prozedura Erkidearen Legeak 42. artikuluan xedatzen den eran.

Deialdi honi eta deialdi honetatik sortutako administrazio-egintza guztiei aurka egin ahal izango zaie, Administrazio Publikoen Administrazio Prozedura Erkidearen urriaren 1eko 39/2015 Legeak emandako idazkeran, ezarritako egoera eta eretan.

Eskatzaileari ez zaio entzunaldi izapiderik aitortuko, eskatzaileak aurkeztutako gertaerak eta agiriak baino ez baitira kontuan hartuko ebazpenean.

## 8. Laguntzak ordaintzea

Ordainketa bakarra egingo da eta onuradunaren izenean.

## 9. Interpretazioa

Deialdi hau dela eta sor daitekeen edozein zalantza Gazteriaren Foru Erakundearen zuzendari-kudeatzaileak argituko du.

Vitoria-Gasteiz, 2022ko maiatzaren 18a

*Gazteriaren Foru Erakundearen zuzendari-kudeatzailea*  
ANA ROSA LÓPEZ DE URALDE GÓMEZ